

Necessari?

DAD AITA DERMONT-STUPAN, LAAX

Annina, 3. classa, è vegnida da scola ed ha bittà il turnister en gardaroba. Lura è ella ida en abitaziun ed ha guardà enturn. Lur abitaziun è gronda, clera e chauda, e quanta rauba ch'els han! Ella pensa a la tabella ch'i han fatg en scola en il rom «uman ed ambient»: L'emprim avevani stuì notar spontanamain sin ina glista tge ch'i dovràn tut durant in'emna. Lura avevani legì tge che Shanti, ina mattetta da l'India, e tge che Giteo, in mattet da la Grönlanda, dovràn per viver.

Suenter avevani survegnì in Sfejl cun ina tabella da trais colonnas. Sin il chau da las colonnas stevi: «necessari», «cuma-daivel», «luxus». Il pensum era d'emplenir la tabella cun quellas chaussas ch'i avevan notà avant sin la glista. Giudim il fejl steva anc la dumonda: Tge è impur-

tant u necessari per viver cuntent?

Annina aveva grev da decider An tge colonna metter tut las chaussas. «Tgi che n'ha betg finì, finescha il pensum a chasa», ha ditg il magister cur ch'i ha scalinà. Annina guardava pia enturn e sa dumandava: «È quest necessari per esser cuntent? È quest necessari per esser cuntent?»

Tuttenina han cumenzà tut las chaussas a siglir vers ella: È quest necessari? È quest necessari? Annina ha tegnì il chau ed è scappada en sia chombra, è sa bittada sin il letg ed ha bragì.

Suenter in mument ha ella pelrò gì in'idea. Ella è stada sì, è ida per ina gronda stgatla ed ha mess en tut quai ch'ella na duvrava betg. Lura è Annina ida or en suler, ha avert spert quella stgaffina alva en il mir ed ha



smatgà giu il nuf verd cun scrit sutvart «Hauptschalter». Suenter ha ella dumandà la mamma, sch'ella dastgia oz metter sin maisa la tschaina, ch'els hajan emprendì in nov recept en scola. Sin maisa ha ella mess ina cria d'aua, paun e per mintgin in mail.

Suenter che Dumeni, il frar, è vegnì da scola ed ha sdiavlà ch'il computer saja rut, suenter ch'il bab è vegnì da la lavur ed è sa mess sin il canapé cun: «Tge èsi cun la televisiun?» e che la mamma aveva er gist constatà ch'il pair electric dal bogn era rut, ha Annina clamà a tschaina. «Sbattas?» ha ditg Dumeni cur ch'el è vegnì en cuschina. Annina ha lura declerà a tuts ch'els tractian en scola il tema «duvrar e consumar». Ella ha raquintà da Shanti e da Giteo e da la tabella ch'els ston finir sco pensum.

Il bab ha squassà il chau e manegià: «Tge ch'i vegnan cun da quest en scola!» Ma a la mamma ha quai parì in bun tema, ed ella ha proponì ch'els pudessan empruvar da viver in'emna be gist cun il pli necessari. Tge che saja «il pli necessari» è lura stà la discussiun durant tut la tschaina. Las opi-

niuns eran talmain differentas, tant che a la fin hani decidì: «Quai na va betg.»

Suenter tschaina era Annina Sanc adina qua cun ses pensums e cun questa dumonda pluffra tge che saja necessari per viver cuntent.

Insaco la pareva che tut las chaussas sin la glista n'avesian betg blier da far cun esser cuntent. Ma da tschella vart n'era ella er betg segira sch'ella fiss cuntenta, senza sias chaussas? Era ella insumma cuntenta? E Dumeni? E mamma e bab? E Shanti e Giteo? Ed il magister?

Ma plaunet è ella propi vegnida stufra da rumper il chau cun questas dumondas grevas. Ella ha scrit: «Per esser cuntenta vuless jau uss finalmain ir anc dadora a giugar a zuppar.»